

junctionis
magnæ ex-
dem.

krefftiget nur diese bedeutung desto mehr. Denn er gleich wie das Siegel ist/ welches Gott der allmechtige auff die siebenfechtige grosse Conjunction gedruckt/ vnd hiermitte dieselbige bekrefftiget hat.

Dann gleich wie der Stern in der zusammenkunft der oberen Planeten plötzlich auffgangen vnd erschienen / vnd vnverruckt / an seinem orte / da doch die anderen gewichen / stehen blieben: Also wird durch vrleihung Gottes / in erweisung einer sonderen macht eine herrliche / wichtige vnd gewünschte relevation / hülff vnd rettung mitten in dem Trüpel plötzlich auffgehen vnd kommen / welche bestendig sein vnd bleiben / vnd / wie der Stern gewiesen ihren gewissen ort / bey der allgemeinen strassen der Sonnen / das ist / bey dem obristen heiligen Römischen Reiche / bey dem Volcke Gottes / vnd hauffen der rechtschaffenen waren Christen haben sol.

Vmb die Christliche Kirche / vnd deroselben lustration vnd erneuerung zu rechter einigkeit / vnd friede wird es am meisten zuthun sein / die commotion der anderen Reiche vnd Stände wird nur allein auff dieselbige zihlen / vnd gerichtet werden / welches Astrologischen aus deme zuverstehen / das dem Sterne das Hauß

der